




294

403

Broj: 02-01- 198 /16.god  
Sarajevo, 11.03.2016.god

KANTON SARAJEVO  
MINISTARSTVO OBRAZOVANJA I NAUKE  
N/r Ministra Elvira Kazazovića

SKUPŠTINA KANTONA SARAJEVO  
N/r Ane Babić, predsjedavajuće



PREDMET: Odgovor na poslaničku inicijativu;

Poštovani g-dine Mariću!

Jako sam iznenađena da zastupnik Skupštine Kantona Sarajevo i novinar, bez ikakvih prethodnih istraživanja, analiza, razgovora sa odgovornim iz JU „Djeca Sarajeva“ tvrdi citiram: „stanje u JU „Djeca Sarajeva“ je zaista katastrofalno“, pa mi to samo govori o Vašoj nedobronamjernosti prema Ustanovi koja ima u funkciji 30 vrtića u koje je upisano 2517. djece, kao i 2661 dijete koje pohađa obavezan program u godini pred polazak u školu. Žao mi je što Vas ja nisam do sada angažirala za moderatora na okruglim stolovima koji su se nakada ranije (2009. , 2010. godina) kontinuirano realizirali u JU „Djeca Sarajeva“ i za što ste bili adekvatno plaćeni, pa na taj način vjerovatno nemate objektivni uvid u rad ove Ustanove u posljednje vrijeme.

Podsjetiću Vas:

Tačna je informacija da nakon trovanja salmonelom u aprilu 2015. godine nismo vršili nabavku mlijeka i mliječnih proizvoda od dobavljača Gold Mignon d.o.o. Sarajevo, sa kojim je po osnovu sprovedenog obnovljenog postupka javne nabavke zaključen ugovor o nabavci predmetnih roba. Ovdje napominjemo da navedeni ponuđač bio povremeno dostavljač hrane i ranijih godina a sve po osnovu ugovora o nabavci na godišnjem nivou po sprovedenim postupcima javnih nabavki, sa urednim realizacijama ugovora o nabavci.

Rješenjem Kantonalne uprave za inspeksijske poslove od 29.04. 2015. godine, zabranjeno je JU „Djeca Sarajeva“ da do daljnjeg upotrebljava namirnice animalnog porijekla, te smo dopisom putem ovlaštenog pravnog zastupnika od 29.06.2015. godine, pozvali ponuđača da se izjasni o daljnjoj sudbini Ugovora, a obzirom da od dana 29.04.2015 godine ova ustanova nije naručivala sporne namirnice. Na ovaj zahtjev ponuđač Gold Mignon d.o. o. Sarajevo nikada dao odgovor.

Jedini zvanični izvještaj mjerodavne institucije odnosno Zavoda za javno zdravstvo KS jeste Izvještaj o mikrobiološkom ispitivanju hrane od 04.05. 2015. godine, prema kojem je utvrđeno da proizvod kisela pavlaka nezadovoljava mikrobiološke standarde, odnosno da je u istim pronađeno koagulazu pozitivnih Stafilokoki, te Enterobacteriaceane, koja je uzročnik salmonele.

Dakle ovim je utvrđen uzrok trovanja ali ne i izvor zaraze.

Također, obzirom da nadležni organi nikada zvanično nisu utvrdili krivicu navedenog ponuđača niti eventualni propust u lancu od proizvodnje do konzumacije ovog proizvoda, nismo mogli pristupiti jednostranom raskidu okvirnog sporazuma o nabavci bez materijalnog



dokaza o postojanju krivice na strani dobavljača, niti smo uz sva nastojanja uspjeli postići sporazumni raskid zaključenog okvirnog sporazuma. Nažalost, u ovoj situaciji zakonski propis je štitio dobavljača sve do momenta dokazive krivice za propust i štetu nastalu u realizaciji ugovora.

U međuvremenu, odnosno do isteka zaključenog okvirnog sporazuma sa 31.12.2015.godine, ustanova je problem nastojala ublažiti putem više donacija u mlijeku i mliječnim proizvodima koje su se obezbjedile od domaćih kompanija.

Od 1.1.2016.godine nabavka mlijeka i mliječnih proizvoda se u potpunosti stabilizovala okončanjem postupka javne nabavke za 2016.godinu, pri čemu je zaključen ugovor sa najpovoljnijim ponuđačem „Vinojug“ d.o.o Sarajevo.

Što se tiče poboljšanja ishrane za dodatnih 20,00 KM za koliko je Vlada KS povećala cijenu usluga JU“Djeca Sarajeva“ počev od 1.10.2015.godine, upravo kroz specifikacije nabavke hrane u 2016.godini i nabavku koja se kontinuirano vrši od momenta zaključivanja ugovora za 2016.godinu, evidentno je uvođenje novih lotova hrane, grupa i pojedinačnih namirnica te njihovo kvalitativno i kvantitativno obogaćenje. Uvođenje četvrtog obroka koji se sastoji iz voća se može vrlo jednostavno provjeriti putem mjesečnih jelovnika koji se objavljuju na web stranici i oglasnim pločama svih vrtića, a u prilogu dostavljamo i primjer jelovnika za mjesec mart 2016.godine.

Dalje, što se tiče poništenja javnog konkursa za prijem djece, te raspisivanja ponovnog konkursa u mjesecu septembru 2015. godine, ističemo da je poništenje konkursa izvršeno radi evidentnog prekobrojnog broja primljene djece u odnosu na standarde, te stava ove Ustanove, kao i nadležnih inspeksijskih organa, da je formiranja odgojnih grupa potrebno izvršiti sa manjim brojem djece, tj. u skladu sa Pedagoškim standardima i normativima za predškolski odgoj i obrazovanje. Sigurno ćete se složiti da je to prvenstveno u interesu kvaliteta odgojno obrazovnog rada, roditelja i djece. Misija naše Ustanove nije sticanje bilo kakve finansijske dobiti, te samim tim broj djece u odgojnim grupama treba da omogući kvalitetetan odgojno obrazovni rad, te adekvatne uslove za boravak djece u vrtićima, a što je tačno precizirano podzakonskim aktima.

Što se tiče tvrdnje da je poništenje konkursa izazvalo štetu za Javnu ustanovu „Djeca Sarajeva“, ističemo da je u budžetskoj 2015. godini Ustanova u potpunosti realizirala planirani Budžet u djelu sopstvenih prihoda, te da je čak naplaćeno za preko 200.000,00 KM više sopstvenih prihoda, koji su postali sastavni dio budžeta Kantona Sarajevo.

S poštovanjem.

Dostaviti:  
-naslovu  
-a/a



V.D DIREKTORA

*Jasmina Congo*  
Jasmina Congo

## JELOVNIK ZA MJESEC MART 2016 GOD.

DATUM	DORUČAK	RUČAK	UŽINA	VOĆNI OBROK
01.03.2016 UTORAK				
02.03.2016 SRIJEDA	GRIZ NA MLIJEKU	SATARAŠ	PAVLAKA	KRUŠKE
03.03.2016 ČETVRTAK	MLIJEKO, PAVLAKA	ŠARENO VARIVO	EUROKREM	MANDARINE
04.03.2016 PETAK	ZOBENE PAHULJICE	SUPA, RIŽA, PILEĆE MESO U SAFTU	VAJKREM	VOĆNI JOGURT
07.03.2016 PONEDJELJAK	PALENTA S PAVLAKOM	SUPA SA CARSKIM POVRĆEM, MAKARONI SA SIROM	NAMAZ PUTER	BANANE
08.03.2016 UTORAK	MLIJEKO, UŠTIPCI	GRAŠAK SA MESOM	VAJKREM	VOĆNI JOGURT
09.03.2016 SRIJEDA	MLIJEKO, PUTER I MED	DINSTANA RIŽA SA PUREĆIM MESOM	SIRNI NAMAZ	KRUŠKE
10.03.2016 ČETVRTAK	ČAJ, VAJKREM	BORANIJA SA MESOM	EUROKREM	NARANDŽE
11.03.2016 PETAK	ZOBENE PAHULJICE NA MLIJEKU	SUPA, PITA KROMPIRUŠA	PAVLAKA	JABUKE I SLANI KREKERI
14.03.2016 PONEDJELJAK	GRIZ NA MLIJEKU	GRAH, SALATA	VAJKREM	BANANE
15.03.2016 UTORAK	ČAJ, KAJGANA	PRASA SA FAŠIRANIM MESOM	DŽEM	VOĆNI JOGURT
16.03.2016 SRIJEDA	MLIJEKO, PUTER	PILEĆI PAPRIKAŠ, SALATA	PAVLAKA	KRUŠKE
17.03.2016 ČETVRTAK	MLIJEKO, VAJKREM	ĆUFTE U PARADAJZ SOSU I DINSTANA RIŽA	NAMAZ MED	NARANDŽE
18.03.2016 PETAK	ZOBENE PAHULJICE	KUPUS SA MESOM, PUDING	EUROKREM	JABUKE I SLANI KREKERI
21.03.2016 PONEDJELJAK	PALENTA SA PAVLAKOM	SUPA, MAKARONI SA SIROM	EUROKREM	BANANE
22.03.2016 UTORAK	ČAJ, PAVLAKA	KELJ SA MESOM	SIRNI NAMAZ	VOĆNI JOGURT
23.03.2016 SRIJEDA	MLIJEKO, SIRNI NAMAZ	DINSTANA RIŽA, PUREĆE MESO U SAFTU	DŽEM	KRUŠKE
24.03.2016 ČETVRTAK	ČAJ, PRŽENICE	BORANIJA SA MESOM	VAJKREM	MANDARINE
25.03.2016 PETAK	MLIJEKO, PUTER	ŠPINAT SA RIŽOM	PAVLAKA	JABUKE I SLANI KREKERI

## JELOVNIK ZA MJESEC MART ZA BEBE 2016 GOD.

DATUM	DORUČAK	RUČAK	UŽINA	VOĆNI OBROK
01.03.2016 UTORAK				
02.03.2016 SRIJEDA	GRIZ NA MLIJEKU	PASIRANO POVRĆE	MEDOLINO	KRUŠKE
03.03.2016 ČETVRTAK	ČOKOLINO	PASIRANO ŠARENO VARIVO	KEKSOLINO	MANDARINE
04.03.2016 PETAK	ZOBENE PAHULJICE	SUPA, RIŽA SA PASIRANIM PILEĆIM MESOM	FRUTOLINO	VOĆNI JOGURT
07.03.2016 PONEDJELJAK	PALENTA S PAVLAKOM	SUPA, PASIRANI MAKARONI	MEDOLINO	BANANE
08.03.2016 UTORAK	RIŽOLINO	PASIRANI GRAŠAK SA MESOM	ČOKOLINO	VOĆNI JOGURT
09.03.2016 SRIJEDA	PROSO SA PAVLAKOM	PASIRANO PUREĆE MESO SA RIŽOM	FRUTOLINO	KRUŠKE
10.03.2016 ČETVRTAK	ČOKOLINO	PASIRANA BORANIJA SA MESOM	KEKS SA MLIJEKOM	NARANDŽE
11.03.2016 PETAK	ZOBENE PAHULJICE NA MLIJEKU	SUPA, PITA KROMPIRUŠA	RIŽOLINO	JABUKE, KEKS
14.03.2016 PONEDJELJAK	GRIZ NA MLIJEKU	PASIRANI GRAH	KEKSOLINO	BANANE
15.03.2016 UTORAK	RIŽOLINO	PASIRANA PRASA SA FAŠIRANIM MESOM	ČOKOLINO	VOĆNI JOGURT
16.03.2016 SRIJEDA	ČOKOLINO	PASIRANI PILEĆI PAPRIKAŠ	MEDOLINO	KRUŠKE
17.03.2016 ČETVRTAK	KEKS SA MLIJEKOM	DINSTANA RIŽA SA PASIRANIM MESOM	PROSO SA PAVLAKOM	NARANDŽE
18.03.2016 PETAK	ZOBENE PAHULJICE	PASIRANI KUPUS SA MESOM	KEKSOLINO	JABUKE, KEKS
21.03.2016 PONEDJELJAK	PALENTA SA PAVLAKOM	SUPA, PASIRANI MAKARONI	ČOKOLINO	BANANE
22.03.2016 UTORAK	MEDOLINO	PASIRANI KELJ SA MESOM	RIŽOLINO	VOĆNI JOGURT
23.03.2016 SRIJEDA	PROSO SA PAVLAKOM	PASIRANO PUREĆE MESO U SAFTU SA RIŽOM	KEKSOLINO	KRUŠKE
24.03.2016 ČETVRTAK	ČOKOLINO	PASIRANA BORANIJA SA MESOM	MEDOLINO	MANDARINE
25.03.2016 PETAK	KEKS SA MLIJEKOM	PASIRANI ŠPINAT SA RIŽOM	PROSO SA PAVLAKOM	JABUKE, KEKS